



ATASSUT INATSISARTUNI

ATASSUT

UKA 2013/140

Knud Kristiansen

22.11.13

Nunatsinni Kulturilerisut (isiginnaartitsisartut, niplersortartut/erinarsortartut, eqqumiitsuliortut, filmiliortartut, atisaliortut/kusanartuliortut, atuakkiortut, il.il.) ullumikkornit qanoq piginnaasaqarfii atorluarnerullugit nunarput tamaat isigalugu agguataakkamik aaqqissuussamillu illoqarfinnut nunaqarfinnullu iluaqutaasumik inerititaqarnerunissamik uummarissaanissamillu siunertaqartumik atorluarsinnaaneri pillugit apeqquteqaat aallaavigalugu inatsisartunut oqallinnissamik siunnersuut.

(Inatsisartunut ilaasortaq Randi Broberg, Partii Inuit)

ATASSUT-miit oqallinnissamik siunnersuuteqartoq qutsavigaarput.

Ukiuni kingullerni nunatsinni kulturikkut suliniarneq inatsisitigut periarfissaat annertusarneqartariaqartoq malunnarsiartuinnarpoq. Sinerissami peqatigiiffeqarnikkut nukittorsaaneq, inuillu kajumissutsiminnik sulerusuttut suli nukittorsaaffigalugillu annertusarnissaannut periarfissat kommuunit peqatigalugit iluarsartuuttariaqarpoq.

Siunnersuuteqartoq ATASSUT-miit isumaqatigaarput oqarmat ullumikkornit annertunerungaartumik inuiaqatigiinni kulturilerisut iluaqutaasinnaanerat upperinerusariaqaripput.

ATASSUT-miillu aamma Naalakkersuit akissuteqaamminttu allammata isumaqatigilluinnarpagut, kulturikkut sunngiffimilu sammisassaqartitsinikku aqqissuussineq maanna atuuttoq 2002-meersoq nutarterneqartariaqarmat ullumikkumut naapertuuttunngorlugu.

ATASSUT-miillu kaammattutigerusupparput maannakkut pioreersut aqqissuussinerit, isiginnaagassiat, aliikkusersuinerit, assigisaallu sinerissamut anngunneqartarnissaat periarfissaginnerusariaqartoq, naak ilaatigut aningaasatigut periarfissat suliniutit ilaanni



ATASSUT INATSISARTUNI

apeqqutaalluinnartaraluartut, soorlu illoqarfinnut mikinerusunut, nunaqarfinnullu. Taamaasiornikkut aamma nunap sinnerani sumiiffiit peqataallutik misigisimalissammata, akileeqataaginnartutut misigisimanatik.

ATASSUT-miillu aamma oqaatigissavarput, pingaaruteqarmat suli annertunerusumik kulturilerisut, taamaaqataallu meeqqat atuarfianni atuartitsinermi ilaatinneqarlutik iluaqutiginerusariaqarivut, soorlu meeqqat atuarfiat pillugu peqqussummi periarfissaqareersoq. Ilisimasavullu naapertorlugit annikippallaamik atorneqartoq. Taamaasiornikkut aamma meerartatta inuiaqatigiittut naleqartitavut, piorsarsimassutsikkullu inuunitsinnut tunngasut meeraanerminnit ileqquliullugillu ingerlateqqinnissaannut tunngavissinneqassapput.

ATASSUT-miit oqallisssiamut soqutiginartumut qujavugut.